

卷八

群書考索卷之一

書名 群書考索前集六十六卷 正德十三年建
 陽劉氏慎獨書齋刊本
 撰者 宋 章如愚 撰
 卷 卷八
 內容分類 子 類書 彙考 宋
 索書號 子部 類書 17
 編號 C5930500

彩色首頁1


[東洋文化研究所漢籍目錄 編號: C5930500](#)

[東洋文化研究所漢籍目錄所藏漢籍善本文影像資料庫 索書號: 子部 類書 17](#)

[漢籍善本文影像資料庫文本群書考索前集六十六卷 正德十三年建陽劉氏慎獨書齋刊本](#)

版權所有: [東京大學](#) [東洋文化研究所](#)
[使用上的注意事項](#)

。六經門
 易類
 易學傳授之圖



前集

經術善為春秋考三家短長號集傳九十年乃成後先其綱條為例統
切愛公穀二家以左氏解義多謬

經書考索卷之八

前集

山堂先生章俊卿編輯
建陽知縣區玉刊行
縣丞管韶校正

。六經門

六經總論下

附志

經籍者機神之妙旨聖哲之能事學之者將殖焉不學者將落焉定仁
義之陶鈞誠道德之橐籥也其為用大矣故曰不疾而速不行而至今
之所以知古後之所以知今其斯之謂也是以大道方行術龜象而設
卦後聖有作仰鳥跡以成文書契已傳繩木棄而不用史官既立經籍
於是興焉夫經籍也者先聖據龍圖溼鳳紀南面以君天下者咸有史
官以紀言行言則左史書之動則右史書之故曰若舉必書懲勸斯在
考之前載則三墳五典八索九丘之類是也下逮殷周之世史官充備

紀言書事靡有闕遺則周禮所稱太史掌建邦之六典八法八則以詔
王治小史掌邦國之志定世繫辨昭穆內史掌王之八柄策命而貳之
外史掌王之外令及四方之志三皇五帝之書御史掌邦國都鄙萬民
之治令以贊冢宰此則天子之史凡有五焉諸侯亦各有國史分掌其
職則春秋傳晉趙穿弑靈公太史董狐書曰趙盾殺其君以示於朝宣
子曰不然對曰子為正卿亡不越境反不討賊非子而誰齊崔杼弑莊
公太史書曰崔子弑其君崔子殺之其弟嗣書死者二人其弟又書乃
舍之南史闕太史書死執簡以徃聞既書矣乃還楚靈王與右尹子革
語左史倚相趨而過王曰此良史也能讀三墳五典八索九丘然則諸
侯史官亦非一人而已皆以記言書事太史總而裁之以成國家之典
不虛美不隱惡故得有所懲勸遺文可觀則左傳稱周志國語有鄭書
之類是也暨夫周室道衰紀綱散亂國異政殊俗喪朕失實隳素攜
章孔丘以大聖之才當頽頹之運歎鳳鳥之不至惜將墜於斯文乃述
易道而刪詩書脩春秋而正雅頌壞禮崩樂咸得其所自哲人萎而微

言絕七十子散而大義乖戰國縱橫其偽莫辨諸子之言紛然淆亂陵
夷躋殿以至于秦秦政奮豺狼之心滅先代之迹焚詩書坑儒士以刀
筆吏為師制挾書之令學者逃難窟伏山林或失本經口以傳說漢氏
誅除秦項未及下車先命叔孫通草綿蕪之儀救擊柱之弊其後張蒼
治律歷陸賈撰新語曹參薦蓋公言黃老惠帝除祕書之律儒者始以
其業行於民間猶以去聖既遠經籍散逸簡札錯亂傳說紕繆遂使書
分為二詩分為三論語有齊魯之殊春秋有數家之傳其餘互有躋駁
不可勝言此其所以博而寡要勞而少功者也武帝置太史公命天下
計書先上太史副上丞相開獻書之路置寫書之官外有太常太史傳
士之藏內有延閣廣內秘室之府司馬談父子世居太史採采前代斷
自軒皇逮于孝成作史記一百三十篇詳其體制蓋史官之舊也至於
孝武祕藏之書頗有亡散乃使陳農求遺書於天下命劉向校經傳諸
子詩賦任宏校兵書尹咸校數術李柱國校方技每一書就向輒撰為
一錄論其指歸辨其訛繆叙而奏之向卒後哀帝使其子歆嗣父之業

乃徙温室中書於天祿閣上欲遂總括群篇撮其要指著於七略大凡
 三萬三千九十卷王莽之末又被焚燒光武中興篤好文雅明章繼軌
 尤重經術四方鴻生巨儒負篋自遠而至者不可勝算石室蘭臺彌以
 充積又於東觀及仁壽閣集新書班固傳毅等典掌焉並依七略而為
 書部固又編之以為漢書藝文志董卓之亂獻帝西遷圖書縑帛軍人
 皆取為帷囊所收而西猶七十餘載兩京大亂掃地皆盡魏氏代漢采
 撥遺亡藏於祕書中外三閣魏鄭默始制中經荀勗又因中經更著新
 簿分為四部總括群書一曰甲部紀六藝及小學等書二曰乙部有古
 諸子家近世子家兵書兵家術數三曰丙部有史記舊事皇覽簿雜事
 四曰丁部有詩賦圖譜汲冢書大凡四部合一萬九千九百四十五卷
 但錄題及言盛以縑囊書用緗素至於作者之意無所論辨惠懷之制
 京華蕩覆渠閣文籍雖有子遺東晉之初漸更鳩聚李充以勗舊簿校
 之其見存者但有二千一十四卷充遂總改衆篇之名但以甲乙為次
 自爾因循無所變革其後中朝遺書稍流江左宋元嘉八年謝靈運造

目錄大凡六萬四千五百八十二卷元徽元年王儉又造目錄大
 凡五千七百四卷儉又別撰七志一曰經典志紀六藝小學史記雜
 傳二曰諸子志紀今古諸子三曰文翰志紀詩賦四曰軍書志紀兵書
 五曰陰陽志紀陰陽圖緯六曰術藝志紀方技七曰圖譜志紀地域及
 圖書其道佛附見合九條然亦不述作者之意但於書名之下每立一
 傳而又作九篇條例編乎首卷之中文義淺近未為典則齊求明中秘
 書丞王亮監謝朓又造四部書目大凡一萬八千二十卷齊末兵火延
 燒秘閣經籍遺散梁初任昉躬加部集又於文德殿內列藏衆書華林
 園中總集釋典大凡二萬三千一百六卷而釋氏不豫焉梁有祕書監
 任昉殷鈞四部目錄又文德殿目錄其術數之書更為一部使奉朝請
 祖晰撰其名故梁有五部目錄普通中有處士阮孝緒沉靜寡慾篤好
 墳史博采宋齊已來王公之家凡有書記參校官簿更為七錄一曰經
 典辭紀六藝二曰記傳錄紀史傳三曰子兵錄紀子書兵書四曰文集
 錄紀詩賦五曰技術錄紀數術六曰佛錄七曰道錄其分部題目頗有

次序剖析詞義淺薄不經梁武敦悅詩書下化其上四境之內家有文
史元帝克平侯景收文德之書及公私經籍歸于江陵大凡七萬餘卷
周師入郢咸自焚之陳天嘉中又更鳩集考其篇目遺缺尚多其中原
則戰爭相尋干戈是務文教之盛符姚而已宋武入關收其圖籍府藏
所有藏四千卷赤軸青紙文字古拙後魏始都燕代南略中原粗收經
史未能全具孝文始都洛邑借書於齊秘府之中稍以充實暨於爾朱
之亂散落人間後齊遷鄴頗更搜聚迄於天統武平校寫不輟後周始
基關右外通強隣戎馬生郊日不暇給保定之始書止八千後補加增
方盈萬卷周武平齊先封書府所加舊本纔至五十一隋開皇三年牛弘
表請分遣使人搜訪異本每書一卷賞絹一疋校寫既定本即歸主於
是民間異書往往間出及平陳已後經籍漸備檢其所得多大建時書
紙墨不精書亦拙惡於是總集編次存為古本召天下工書之士京兆
韋霽南陽杜預等於秘書內補續殘缺為正副二本藏于宮中其餘以
實秘書內外之間凡三萬餘卷煬帝即位秘閣之書限寫五十副本分
為三品上品紅瑠璃軸中品紺瑠璃軸下品漆軸於東都觀文殿東西
兩廡屋以貯之東屋藏甲乙西屋藏丙丁又聚魏已來古跡名畫於殿
後起二臺東曰妙楷臺藏古跡西曰寶墨臺藏古畫又於內道場集道
佛經別撰目錄大唐武德五年克平偽鄭盡收其圖書及古跡焉命司
農少卿宋遵貴載之以舡泝河西上將致京師行經砥柱多被漂沒其
所存者十不一二其目錄亦為所漸濡時有殘缺今考見存分為四部
合條為一萬四千四百六十六部有八萬九千六百六十六卷其舊錄
所取文義淺俗無益教理者並刪去之其舊錄所遺辭義可采有所弘
益者咸附入之遠覽馬史班書近觀王阮志錄挹其風流體例削其浮
雜鄙俚離其疏遠合其近密約文緒義凡五十五篇各列本條之下以
備經籍志雖未能研幾探蹟窮極幽隱度乎弘道設教可以無遺缺焉
夫仁義禮智所以治國也方技數術所以治身也諸子為經籍之鼓吹
文章乃政化之黼黻皆為治之具也故列於此志云

易曰河出圖洛出書然則聖人之受命也必因積德累業豈功厚利誠
著天地澤被生人萬物之所歸往神明之所福享則有天命之應蓋龜
龍銜負出於河洛以紀易代之徵其理幽昧究極神道先王恐其惑人
祕而不傳說者又云孔子既叙六經以明天人之道知後世不能稽同
其意故別立緯及讖以遺來世其書出於前漢有河圖九篇洛書六篇
云自黃帝至周文王所受本支又別有三十篇云自初起至于孔子九
聖之所增演以廣其意又有七經緯三十六篇並云孔子所演并前合
為八十一篇而又有尚書中候洛罪級五行傳詩推變失紀曆樞合神
務孝經句命決援神契雜讖等書漢代有邾氏表氏說漢末邾萌集團
緯讖雜占為五十篇謂之春秋災異宋均鄭玄並為讖律之注然其文
辭淺俗顛倒并謬不類聖人之旨相傳疑世人造為之後或者又加點
竄非其實錄起王莽好符命光武以圖讖興遂盛行於世漢時又詔東
平王蒼正五經章句皆命從讖俗儒趨時益為其學篇卷第目轉加增
後言五經者皆憑以為說唯孔安國毛公王璜賈逵之徒獨非之祖承

以為妖妄亂中庸之典故因漢魯恭王河間獻王所得古文參而考之
以成其義謂之古學當世之儒又非毀之竟不得行魏代王肅推引古
學以難其義王弼杜預從而明之自是古學稍立至宋太明中始禁圖
讖梁天監已後又重其制及高祖受禪禁之愈切煬帝即位及發使四
出搜天下書籍與讖緯相涉者皆焚之為吏所糾者至死自是無復其
學祕府之內亦多散亡今錄其見存列于六經之下以備異說

石渠議

宣帝甘露三年詔諸儒講五經同異於石渠閣在臨淄論易周禮孔穎達
論禮公羊則更始各以經議對蕭望之平奏其議天子稱制臨決焉乃
立梁丘易大小夏侯尚書穀梁春秋博士

白虎通

後漢章帝建初四年詔諸儒會白虎觀講五經同異帝親稱制臨決如
石渠故事作白虎通令班固撰集其事凡四十篇今所存本乃四十四
卷篇首於終終於嫁娶大抵皆引經斷論却不載稱制臨決之語

漢校定中書五經

伏湛元孫元忌世襲湛爵為不其侯傳物多識順帝時為侍中屯騎校尉永和元年詔元忌與議郎黃景校定中書五經諸子百家藝術中書內中之書其後元嘉中成

漢大學石經

蔡邕少博學好辭章術數天文妙探音律拜郎中校書東觀漢記邕以經籍去聖久遠文字多訛俗儒穿鑿疑誤後學熹平四年與堂谿揚賜馬日磾張馴韓說覃賜等求正定六經文字靈帝許之乃自書于碑使工鐫刻立於大學門外於是後儒晚學咸取正焉及碑始立其觀視者及摹寫者車乘日千餘兩洛陽記大學堂前石經四部

盧植尚書三禮

盧植熹平四年作尚書章句三禮解詁時始立大學石經以正五經文字植上書願詣東觀等心研精合尚書章句攷禮記失得裁定聖典刊正碑文

晉中經

晉得汲冢古文竹書詔荀勗撰次以為中經

五經通論

東晉

咸平重校七經疏義

咸平四年翰林侍讀學士邢昺等上重校周禮儀禮公穀傳孝經論語爾雅七經疏義凡一百六十三卷命模印頒行

五經鈎沈

晉楊方傳方為高梁太守在郡積年著五經鈎沈更撰吳越春秋行於世。隋志五經鈎沈十卷

咸平龍圖閣五經圖

徐觀五經音訓

徐觀傳孝武帝始覽載籍招延儒學之士太傅謝安舉觀以應選補中書舍人在西省侍帝雖不口傳章句然開釋文義標明指趣撰正五經

音訓學者宗之

五經同異評

徐首傳家貧好學遂為儒宗作五經同異評

巾箱五經

梁衡陽王均嘗手自細寫五經部為一卷置于巾箱以備遺忘

唐五經正義

唐太宗以師說多門章句繁雜命孔穎達與諸儒撰五經疏名曰五經正義

五經精義

開元九年二月丙申詔楊安國等五經正義以五經精義為名

九經師授譜

韋處微以學者薄師道不如聲樂賤工能尊其師著九經師授譜詆其違

六經法言

本韋處厚路隋撰五經粹要二十篇號六經法言唐宗

石經

高重為國子祭酒與鄭覃判定九經于石鄭覃文宗時為相以經籍初繆博士淺陋不能正建言願與鉅學共力讎刊準漢故事鑿石大學示萬世法詔可覃乃表周焯崔球張次宗孔溫業等是正其訛文刊于石文宗定五經鑄之石張參等正其訛文

唐新修六經要言

敬宗時崔師與高重類六經要言為十篇以便觀省

諸子百家門

孝經類

夫孝者天之經地之義人之行自天子達於庶人雖尊卑有差及乎行孝其義一也孔子既序六經題目不同指意差別恐斯道離散故作孝經以總會之明其枝流雖分本萌於孝者也遭秦焚書為河間人顏芝所藏漢初芝子真出之凡十八章而長孫氏博士江翁少府后蒼諫議

大夫翼奉安昌侯張禹皆名其學又有古文孝經與古文尚書同出而
長孫有闔門一章其餘經文大較相似篇簡缺解又有衍出三章并前
合為一十二章孔氏闕為之傳至劉向典校經籍以顏本比古文除其
繁惑以十八章為定鄭眾馬融並為之注又有鄭氏注相傳或云鄭玄
其立義與玄所註餘書不同故疑之梁代安國及鄭氏二家並立國學
而安國之本亡於梁亂陳及周齊唯傳鄭氏至隋王劭於京師訪得孔
傳送至河間劉炫炫因序其得喪述其議疏講于人間漸聞朝廷後遂
著令與鄭氏並立儒者誼誼皆云炫自作之非孔舊本而祕府又先無
其書又云魏氏遷洛未達華語孝文帝命侯伏侯可悉陵以夷言譯孝
經之旨教于國人謂之國語孝經今取以附此篇之末出隋志

說齊孝經序云

孔子為曾參言孝道門人錄之為書謂之孝經更秦滅學漢河間獻王
得之顏芝家凡十八章古文孔氏一篇二十二章本出至壁劉向校書
定著十八章至於唐諸儒說者且百家孝明皇帝詔諸儒集議劉知幾

詆鄭注請行孔傳司馬正非之力中鄭說帝乃未集六家自為之法頒
之天下以十八章為定元行冲為之疏本朝邢昺增損之力正義訓詁
證引詳矣先正司馬公范公皆為古文指解所發明益以通暢夫孝有
行之本學者所當先聖人之言簡嚴易直而天人備固非一家所能究
其說故拾諸儒遺意相與講貫務通理而不飾文學者以筌蹄觀之庶
幾不悖先聖人之意。正義云按孝經遭秦坑焚之後為河間顏芝所
藏漢初除挾書之律芝子真始出之長孫氏及江翁后蒼翼奉張禹等
所說皆十八章及魯共王壞孔子宅得古文二十二章無人章分為二
闔門一章孔安國作傳劉向校經籍比量二本除其煩惑以十八章為
定而不列名又有荀栩集其錄及諸家疏並無章名而援神契自天子
至庶人五章唯黑侃標其目而冠於章首今鄭注見章名豈先有改除
近人追遠而為之也鄭注依古今集詳議儒官連狀題其章名乞加商
量遂依所請。曾參字子與孔子以為能通孝道故受之業作孝經傳
子。至於迹相祖述殆且百家韋昭王肅先儒之領袖虞翻劉劭抑又

次焉劉炫明安國之本陸澄譙康成之注玄宗。何休注訓孝經論語皆經緯典謨。孝文皇帝欲廣遊學之路論語孝經孟子爾雅皆置博士。明帝自期門羽林之士悉通孝經章句後儒。正觀十四年太宗觀釋奠於國子學詔孔穎達講孝經禮樂。天寶三載大赦詔天下家藏孝經宗元。

論語類

論語者孔子弟子所錄孔子既叙六經講於洙泗之上門徒三千達者七十其與夫子應答及私相講肄言合於道或書之於紳或事之無厭仲尼既沒遂緝而論之謂之論語漢初有齊魯之說張禹本授魯論晚講齊論後遂合而考之刪其煩或除去齊論問王知道二篇從魯論二十篇為定號張侯論當世重之周氏包氏為之章句馮融又為之訓又有古論語與古文尚書同出章句煩省與魯論不異唯分子張為二篇故有二十一一篇孔安國為之傳漢末鄭玄以張侯論為本參考齊論古論而為之注魏陳群王肅周生烈皆為義說何晏又為集解是後諸儒

多為之注齊論後亡古論先無師說梁陳之時唯鄭玄何晏立於國學先鄭氏甚微周鄭刻學獨立至隋何鄭並行鄭氏盛於人間其孔叢家語並孔氏所傳仲尼之旨爾雅諸書解古今之意并五經總義附于此篇。論語者孔子應答弟子時人及弟子相與言而按聞於夫子之語也當時弟子各有所記夫子既卒門人相與輯而論纂故謂之論語藝文志。序曰漢中壘校尉劉向言魯論語二十篇皆孔子弟子記諸善言者也。仲弓子游等撰定論者綸也以此書可以經綸世務故曰綸也。圖轉無窮故曰綸也。蘊含萬理故曰理也。篇章有序故曰次也。群賢集定故曰撰定也。鄭元。論語者五經之輶轄六藝之喉衿也。孟子之書則而象之矣。魯論語者魯人所傳即今所行篇次是也。龍韋魯夏侯勝章賢及子元成魯扶卿夏侯勝蕭望之並傳之各自名家。齊論語者齊人所傳別有問王知道二篇凡二十一一篇其二十篇中章句頗多於魯論王吉宋畸王卿貢禹五鹿充宗王生並傳之王吉名家。古論語者自出孔氏壁中凡二十一一篇有兩子張篇次不與齊魯同孔安國為

傳後漢馬融亦注之。張禹受魯論於夏侯建又從庸生王吉受齊論擇善而從號曰張侯論最後行漢世禹以論授成帝後漢包咸周氏並為章句列于學官鄭元注本就魯論張包周之篇考之齊古為之注焉何晏集孔安國包咸周氏馬融鄭元陳群王肅周生烈之說為集解正始中盛行于世正義。孝文皇帝欲廣遊學之路論語孝經孟子爾雅皆置博士。平帝詔召天下通知論語教授在所為駕一封軺傳遣詣京師紀本。王通隋末大儒聚徒河汾間做古作六經又為中說以擬論語不為諸儒稱道故書不顯惟中說獨傳王續。或曰儒者稱論語孔子弟子所記信乎曰樂正子春子思之徒相與為之爾當時孔子弟子雜記其言然卒成其書者曾氏之徒也即論語

孟子類

孟子名軻子思弟子有列傳師古曰聖證論云軻字子車此志無字未詳其所得出處。魯公族孟孫之後師孔子之孫子思著書七篇遺著錄之說錄值炎劉之末奮進不得佐興唐虞雍熙之和退不能信三代

之餘風恥沒世而無聞焉是故垂憲言以貽後人於是退而論集所與高第弟子公孫丑萬章之徒難疑答問又自撰其法度之言著書七篇二百六十一章三萬四千六百八十五字包羅天地揆叙萬類可謂亞聖命世之大才也又有外書四篇性善辨文說孝經為正其文不能洪深不與內篇相與似非孟子本其後世依倣而託之者也。孟子既沒公孫丑萬章之徒撰次難疑答問成書七篇後漢趙岐為章句析為十四篇唐林謹思以弟子記軻之言不能盡其意故演而續之作續孟子二卷本朝馮休謂孟子有可疑者或門人所增益乃作刪孟一卷司馬。孟子之書亦不必論其文之如何是直萬章公孫丑之徒所次耳何有於孟子哉是下試以唐陸善經孟子對今孫宣公所校定孟子斷可見其文之異同也屍以道答韓愈以為弟子所會集非軻自作今攷之則知愈言非妄也其書孟子所見諸侯名謚如齊宣王梁惠王梁襄王滕定公滕文公魯平公是也夫死然後有謚軻著書時所見諸侯不應皆死故予以愈言為然屍。太史公曰余讀孟子書至梁惠王問何

以利害國未嘗不廢書而嘆也孟子受業子思之門人道既通游事齊
宣王宣王不能用適梁梁惠王不果所言則見以為迂遠而闕於事情
孟軻乃述唐虞三代之德以所好者不合退而與萬章之徒序詩書述
仲尼之意作孟子之書列孟軻。始吾讀孟軻書然後知孔子之道尊聖
人之道易行尊聖人之道者孟氏而已晚得揚雄書益尊信孟氏其存
而醇者孟軻氏而止爾孟氏醇乎醇讀荀。孟軻好辯孔道以明轍環
天下卒老于行吐辭為經舉足為法絕類離倫優入聖域進學

辭書考索卷之八

前集



